

Lîtes de Comun en domënia ai 10 de ma, dales 7.00-21.00. **Chertes da lité timbrades 18 iadi** ne vel nia plü y mëss gnî fates atira danü te comun. Ince ch'i che s'ess pordü la cherta da lité, dess jî denant te comun a s'un lascé fá na nöia.

SAN MARTIN Y LUNGIARÜ

Referat dla monia Teresa Zukic en dedolönesc ai 5 de ma, dales 20.00 tla Ciasa J.B Runcher a Badia „**Imparé y se delibré dai fai ch'an fej**“. Düc é invíá.

Peregrinaje dles Patrones dl raian de Puster y di interessá en jöbia domisdé, ai 7 de má a Türesc/Sand in Taufers. An s'incunta dales 14.00 dala nodadoia „Cascade“ y vá cuntra dlijia olach'al é mëssa dales 15.00 y dedô picia marëna te colonia. Prenotaziuns pro la surastanta dles Patrones dl post o pro Rita 335 10 19 128 atira.

En sabeda ai 9 de ma é le 25° **peregrinaje a Weißenstein di geniturs** a chi ch'al ti é mort n/a môt/a. Al passa n bus por Puster. Dales 10.00 é mëssa a Weißenstein, dedô even-tualmënter marëna deboriada. Prenotaziuns: fam. Bonell, Andrian 0471 510 180.

Invit ala **prozesciun de nôt dl Movimënt Catolich di Èi** en dedemesaledema, ai 13 de mà, che pëia ia dales 21.00 da Porsenü (Acquarena) a Neustift, dailó dales 22.00 mëssa solëna. Dala Val Badia vál ia na coriera che passa ia dala Burcia dales 19.20. Düc i èi é bel invíá. Prenotaziuns pro Leo Crepaz 348 40 96 351 éina en domënia, ai 10 de mà. I partezipanc é periá da se tó cun èi na ciandëra o na linterna.

Referat de siur Tone Fiung en dedolönesc, ai 12 de ma, dales 20.00 a Lungiarü „Ne stede a ti tó Chël Bel Dî ai mituns“

La Uniun dles Ères Catoliches inviéia düc i geniturs che á n pice môt da batié, pers che aspeta, toc y totes ala **preparaziun dl bato**, che vëgn tignida en sabeda ai 16 de má, tla Ciasa dles Uniuns a La Pli de Mareo. Prenotaziuns 0474 523 274.

SAN MARTIN

La **Lista Ciastel de Tor** se presentëia en lönesc ai 4 de ma dales 20.00 tl salf di stöda-füch ala popolaziun. Al vëgn presenté le program y les initiatives por le dagní.

N bel **dilan dai maridá iubilars** a siur ploan, ales Uniuns dles Ères y di Èi y al Cor de Dlijia y a düc chi che á tut pert y fat bela süa festa tan garatada l'ultima domënia.

LUNGIARÜ

Incö, 3 de ma, dales 10.00, invit ala **indunada dla SVP**. Düc é invíá.

Le KVV da Lungiarü vënn **ciüfs por la Festa dla Uma** en sabeda ai 9 de ma domisdé y do messa y en domënia ai 10 de ma. Ci che vëgn trat ite va a fin de bëgn.

Uniun dl Sport Lungiarü: Invit ala reuniun generala cun lîta dl presidënt y consëi nü en vëndres, ai 8 de ma, dales 20.00 tl salf dl païsc. Informaziuns plü avisa sôn cursc da nodé, jî a crëp y zumba vëgnel dé tratan la sentada. Gnide tröc!

Le comité dla uniun dles **patrones rengraziëia** chëres che á daidé juté sö y chi che á consumé en la Festa dla Confermaziun. Le davagn é jü ala dlijia da Lungiarü.

Batadú di Jogn da S. Martin, Lungiarü y Antermëia en sabeda, ai 9 de má, dales 20.00 tl salf di Stöda-füch a San Martin. Se presenté dales 19.30 por les iscriziuns; al é da païé ite 10 euro por per. Por aurëlea cörta, boandes y de bi pesc vëgnel fistidié. Düc é invíá.

Conzert d'aisciöda **Musiga La Val** en sabeda, ai 9/5 dales 20.30 tla palestra a La Val

La Uniun dles Patrones inviéia en dedolönesc, ai 12 de ma, dales 20.00, tl salf di stöda-füch a San Martin, al referat de Heinrich Abraham dl Cënter de spezialisaziun agrara y forestala tla Laimburg „Kräuter im Garten - Anbau, Verarbeitung und Verwendung“. Do le **referat baratada de ciüfs, pelzes y somënzes**. Tolësse cun os ciüf, pelzes o somënzes ch'i n'adoëis nia plü y gnide a ves tó ci che ves mancia. Ci ch'i portëis é da dé jö denant t'l'entrada dl salf di stöda-füch.



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

03.05 - 10.05.2015 nr. 23

termo da publiché: jöbia 20.00
radio: 90,40 / 93,70

5ª DOMÈNIA DE PASCA

Vangele: Jan 15,1-8

Iö sun le dër lëgn da üa,
y mi pere é le vignadù....
Sciöche la rama da üa ne sciafia nia
da porté früt da d'ëra instëssa,
mo mâ sc'ara romagn pro le lëgn,
insciö ne sciafiëise gnanca os da porté früt,
sc'i ne romagnëise nia te mè.
Iö sun le lëgn da üa, os sëis les rames.
Chël che romagn te mè y te chël che iö romagni,
chël porta tröp früt;
cíodiche despartis da mè, ne sciafiëise da fá nia....
Mi Pere vëgn glorifiché te chël,
ch'i portëis tröp früt y ch'i diventëis mi discepui.



„Sté lapró“ me dijô le maester de tlavier, vigni iade ch'i orô stlûje pro le sföi da notes y lascé ester. „Da nia ne devëntel nia!“

„Sté lapró“ é ince le consëi de Gejú a sü discepui la cuinta domënia de Pasca do i alc y basc di dis dla festa de Pasca. Do les beles esperiënzes de vita nöia vëgnel massa atira indô la vita da vigni de. Y impara les domandes pesoces:

Paiel la mëia da se dé da fá por tigní adöm y ti dé vita a nosta comunité cristiana y da sté ite por la Dlijia dl monn? Bel plan toma pa insciö dôt indalater, vignun dess podëi jî por so tru. Paiel la mëia da se sforzé da vire en pesc cun chi ch'an á da fá, da scutè, da dlotí y pordené? Paiel la mëia da daidé la jënt tla meseria daimró y dalunc, che inultima é mi aiüt impó ma na gota sôn na plata lorënta? Paiel la mëia da chirí ldi te nosta vita y ascuté süa parora?

„Sté lapró - da nia ne devëntel nia“ dij Gejú, „Zënza me ne sciafiëise da fá nia.“ Da „sté lapró“ ól ester forza y energia y la speranza, che Gejú nes dá, do tröc früc.

	SAN MARTIN		LUNGIARÜ
03.05.15 5ª Domënia de Pasca	8.40 Prozesciun de San Florian a Picolin 9.30 Gran Mëssa dla Comunité a d'intenziun di Stödafüch 11.00 Bato de Matî Tolpeit y Leo Keim 19.30 Corona de mà sö Ju	03.05.15 Domënia	7.55 Corona de ma 8.15 Gran Mëssa dla Comunité cuncrusc ia delá dal'Ega y benedisciun di auti nüs 15.00 Corona tla Capela da Seres
04.05.15 Lönesc <i>Florian, Guido, Valeria</i>	19.30 Corona de ma a Picolin	04.05.15 Lönesc	20.00 Corona de ma tla capela da Seres
05.05.15 Dedolönesc <i>Max, Angela, Iuta, Sigrid</i>	14.15 Confesciun di Neocomunicanc 19.30 Mëssa familia Gerhard Rubatscher + + de Maria Zingerle, Col + + fam. Franz Planatscher	05.05.15 Mertesc	7.30 Corona de ma tla capela da Seres
06.05.15 Dedemesaledema <i>Markward, Gundula</i>	19.30 Corona de ma a Bioch 20.00 Corona de ma sö Mirí	06.05.15 Mercui	7.30 Mëssa aniv. Zilia Mischi aniv. Agata Pezzei in Alfarei + + + Paolina, Karl y Manuel Rifesser + + + Sabina, Oliva y Maria Clara Comuniun ai amará
07.05.15 Jöbia <i>Notker, Gisela, Agostin, Benedët</i>	7.30 Mëssa aniv. Tone Tolpeit + + Pia y Giovanni Trebo, + + Franz y Rosa Frenner + Ida Flöss Corona por vocaziuns Comuniun ai amará (düc danmisdé)	07.05.15 Jöbia	20.00 Corona de ma fora dala Grota
08.05.15 Vëndres <i>Ulrike, Friedrich, Ulrich, Ida, Desiré</i>	19.00 Adoraziun eucaristica Corona de má	08.05.15 Vëndres	7.30 Mëssa + + Albert y Sepl Fontanella vis y + + de Albert Dapoz aniv. Gottfried Dapoz + Matî Clara
09.05.15 Sabeda <i>Beatus, Tarejia</i>	9.00 Incuntada cun i Confermá 15.30 Mëssa tla Ciasa de Palsa 18.00 Corona de ma 18.30 Mëssa prefestia aniv. Vico Pedevilla + + Rungger, Mirí por les Animes	09.05.15 Sabeda	20.00 Mëssa prefestia familia Maddalena Clara familia Reinhold Sorá 3ª de sopoltöra de Davide Daporta + + Pension Alpi
10.05.15 5ª Domënia de Pasca <i>Dé dla Uma</i>	Festa dla Pröma Comuniun 9.30 Ingrès dala scora Confaruns, musiga, comunicanc, geniturs, bandires, sorvidus, prou, toc, totes y comunité Mëssa (ciantada dai mituns) dedô incuntada y concert dan calonia 19.30 Corona de mà sö Ju	10.05.15 Domënia	7.55 Corona de ma 8.15 Gran Mëssa dla Comunité 15.00 Corona tla Capela da Seres